

Медеубекұлы С.

Замансөз және замансөзгер

Мақала тәлиесі алғаш рет «замансөз» деген термин ұсынып, оның мағыналық астарын ашады. Қоғамдық санаға ақпарат арқылы қозғау салу өнерінің бес саласы – қымылсөз, дыбыссөз, бейнесөз, шешенсөз және көсемсөздің басын біркітіретін ортақ, атая ретіндегі мүмкіндігін саралайды. Бұрын қолданылып келген «публицистика» деген атальмыңың мағыналық аясының тым тар екендігіне көз жеткізеді. Публицистика атальмының белгілі бір қоғамдық формацияға ғана қызмет еткенін, ол формацияның заман көшінен қалғандығын, қазірде мұлдем басқа қоғамдық жүйе қалыптасып келе жатқандықтан бұл атальмыңың қолданыста болуы заман көшіне қалғандық, екенін сараптайды. Бұл сала туралы ғылыми тұжырымдар ұсынған Ахмет Байтұрсынов, Рәбіға Сыздық, Зәки Ахметов, Намазалы Омашевтердің пікірлерін тілге тиек ете келе өз қорытындысын ғылыми айналымға қосады.

Түйін сөздер: замансөз, замансөзгер, мақала.

Medeubekuly S.

Publicizm and publicist

Медеубекұлы С.

Публицистика и публицист

The article discusses the problems of journalism and publicism. The author proposes a new term «zamansөz» (publicizm) and «zamansөzger» (publicist).

Key words: publicizm, publicist, article.

Автор статьи впервые вводит и обосновывает термин «замансөз» (публицистика). Исследует факторы влияния публицистики на общественное сознание. Доказывает, что существующие ранее термины не полностью соответствуют сути и смысловому содержанию понятия публицистика.

Исторически публицистика выступала как общественный институт, что на сегодня не актуально. Автор доказывает, что традиционные формы терминов устарели.

Автор изучает концепции и научные формулы таких исследователей как А.Байтұрсынов, Р.Сыздық, З.Ахметов, Н.Омашев, также занимавшихся данной тематикой.

Ключевые слова: публицистика, публицист, статья.

ЗАМАНСӨЗ ЖӘНЕ ЗАМАНСӨЗГЕР

Бұрын-соңды зерттелмеген мәселе төңірегінде айтылар ой-
дың айқындығы тілдік қолданыстағы атальнымдардың мағынасы-
ның қаншалықты түсінікті болғанына да байланысты. Өйткені,
ғылым тек ғылым үшін емес, қоғам, мемлекет, халық үшін қыз-
мет етеді. Олай болса, біз әуелі ғылыми қолданыста, бұқаралық
апарат құралдарының тілдік айналымында жүрген «публицистика», «көсемсөз» және бұрын айтылып, енді ғана тілдік пайдалану аясына кірген «шешенсөз», соңғы кезде айтыла бастаған
«замансөз» сияқты атаулар төңірегінде қозгалар ойлардың ба-
сын ашып алуымыз керек. Рас, ендігі жерде «көсемсөз» деген
атальным бұған дейін қолданылып келе жатқан «публицистика»
деген терминнің толық мағынасын ашып бере алмайды. Бере
алмайтын себебі – көсемсөз жазбаша дүниеге келген қоғам-
дық сананы қозгайтын жарияланған жазындардың ғана атаву
болып қалады. Қоғамдық сананы оятатын, жүртты іске бас-
тайтын, әрекетке жетелейтін, рухтандыратын, жігерлендіретін,
мемлекеттік мұддеге ұйыстыратын, ұлттық мақсатқа ұйымдаст-
ыратын ауызша айтылған салмақты, салиқалы пікірлер шоғы-
ры бұл атальным аясына кірмей қалады. Ондай пәрменді сөздер
жынытығын «шешенсөз» деп атау Ахмет Байтұрсыновтан бас-
талған.

Ахмет Байтұрсыновтың «Көсемсөз-шешенсөз сияқты әлеуметке айтқанын істету мақсатымен шығарылатын сөз. Шешенсөзден мұның айырылатын жері – шешенсөз ауызша айтылады, көсемсөз жазумен айтылады»^{1,-} деген анықтамасы бар. Ахаң зерттеу еңбегінде әуелі шешенсөзді айтып барып, содан соң көсемсөзді соған ұқсата анықтайды. Оның басты себебі – көсемсөз, яғни «әлеуметке айтқанын істету мақсатында шығарылған сөздің» жазбаша түрі қоғамдық ой айту құралдары- газет, журнал шығарыла бастағаннан соң ғана пайда болды. Ал қазақ ортасына газет, журнал кешегі XIX ғасырда ғана келді. Оған дейін қазақ даласындағы қоғамдық ойдың бәрі ауызша айтЫЛДЫ, ауызша таратылды. Оны Ахаң шешенсөз деп атап, көсемсөзден бұрын ауызга алып отырганы сондықтан. Екеуі егіз ұғым. Екеуінің анықтамасын қосқанда бүгінгі біз айтып жүрген «публицистика» ұғымы шығады. Қоғамдық пікір тудыруши, қоғамдық ойды алға жетелеуши әрі сол пікір мен ойдың жүзеге асуына ықпал етуші өнерді ұлт көсемі екі түрге бөлген екен:

әуелгісі шешенсөз, кейінгісі – көсемсөз. Пікір мен ойдың жүзеге асуына ықпал етуші өнердің осы екі түріне ортақ атап «публицистика» деген сөзге құлак та, тіл де үйреніп қалғандай көрінеді. Бірақ, бұл сөз ұлттық ділге сіңіп кете алған жоқ. Сіңісе алмай келе жатқанының басты себебі сөздің қазақша еместігінде. Қараңыз: Публицистика. Ол екі түрге бөлінеді: – шешенсөз және көсемсөз. Арғы тегінің атавы қазақша емес те, бергі екі тармағының аты қазақша [1]. Бұл түрғыдан қарағанда «әу баста қазақ деген халықта қоғамдық сананы қозғау өнері болмаған» деген ұғым атойлад алға шығады. Әрине, олай болуы мүмкін емес. Ондай ұғымды қалыптастыруға ең алдымен орыстық шовинизммен қаруланған кеңестік идеология көп күш жұмсағаны тарихтан белгілі. Жер бетінен қазақ деген ұлттың мәдениетін өшіріп тастау пиғылымен жүргізілген саясат төлтума құндылықтардың барлығына кешенді түрде шабуыл жасаған. Шабуылға қазақ руханияты бетпе-бет келді. Бетпе-бет шабуылдың құрбандығы – сол ұлттық руханияттың бір саласы шешенсөз болатын.

Қазақ ұлты да адамзаттың бір бөлігі. Ол да өз ана тілінде қоғамдық сананы қозгайтын өнердің шеберлік шынына шықкан халық. Бірақ, сол өнерді зерттеу сәл кенжелеу қалған соң ғылыми ойды бұрынырақ жазып қалыптастырған елдің атальнымдарын еріксіз қолданып келдік. Еріксіз дегеннің сырын Р. Сыздық былай ашып көрсетеді:

«...Көптеген тілдердің тәжірибесінде шеттен енетін сөздер сол сөздерді қабылданған тілдің фонетикалық заңдарына икемделіп, өзгеріп айтылады және сол өзгерген түрінде жазылады. Бұл тіл – табиғатына тән ортақ заңдылықтардың бірі. Осыған қарамастан, 1940 жылдардан бастап орыс жазуы – кириллицаны қабылданған бірқатар түркі халықтарының тілдеріне орыс тілінен соңғы кезеңдерде енген сөздерді сол тілдегі қалпынша жазып, жазылған түрніше айту тәжірибесі орын алды. Бұған, сөз жоқ, кейде жүқалап, кейде ашық жүргізілген орыстандыру саясаты басты себепкер болды, яғни орыс графикасына көшуіміз де, міндettі түрде орыс тілін екінші тіл ретінде мектептен бастап үйрену кажеттілігі де, жоғары оқу орындарында білім алушын үнізі орыс тілінде жүргізуі де (көлбеулеген – С.М.) баршасы орыс тілінен енген сөздерді «бас аяғы бүтін» күйінде орысша тұлғалауға, орысша айтуға итермеледі. Тіл табиғатына қайшы келетін бұл тәртіп нормаға айналды» [2]. Фалымның қынжылысы орынды. Әйтсе де алдағы өмірге үлкен үмітпен қарасақ, қазір тәуелсіз ұлттық ғылыми

ми ой ешбір елдікінен артта қалып отырған жоқ, кейбірінен озып та кетті. Ендеше ұлт тіліндегі ғылымның өз атальнымдары болуы заңды нәрсе.

Атальным бұқаралық қолданыска түсіу үшін де оның мағынасы әркімге түсінікті болғаны жән. Әркім толық түсінгенде ғана жаппай қолдана бастайды. Осы түрғыдан келгенде бізге жалонның, корейдің, қытайдың, монголдың т. б. ұлттардың сырттан енген атальнымды өз ана тіліне енгізу тәжірибесін қолданған дұрыс деп ойлаймыз. Оның үстінен «публицистика» атавының астарынан өткен ғасырлардағы қазақ даласын отарлау идеологиясын санаға батпандалап кіргізген алғып күштің салмағы сезіледі, бергісі – орыстандыру, кеңестендіру, арғысы – европаландыру пигылымның лебі еседі. Ондай салмақ пен леп бүгінгі тәуелсіз қазақтың ұрпағының сана азаттығы, рух бостандығына кедергі келтіреді, еңсесін көтертпейді. Сырттан күштеп енгізілген мағынасы да, түрпаты да жат сөзді санадан сылып тастау арқылы отарсыздануға қарай бір қадам жылжыған боламыз. «Публицистика» атавын қазақша-лаудың саяси-әлеуметтік мәнінің бірі осында. Дөл осы тұста Ахмет Байтұрсынұлының мына пікірін келтіре кеткен орынды деп білеміз:

«... біз қазақ сөзін ескі, жаңа деп талғамаймыз, жергілікті сөз екен деп, ол жағынан қатал қарап, қашып түрмаймыз. Жалғыз-ақ біздің мықтап қашатынымыз – жатышылдық (жат сөз-шілдік). Біз сияқты мәдениет жемісіне жаңа аузы тиғен жүрт өз тілінде жоқ деп мәдени (өркениетті – С.М.) жүрттардың тіліндегі даяр сөздерді алғыштаң, ана тілі мен жат тілдің сөздерін ара-ластыра-араластыра ақырында ана тілінің қайда кеткенін білмей айырылып қалуы ықтимал. Сондықтан, мәдени жүрттардың тіліндегі әдебиеттерін, ғылым кітаптарын қазақ тіліне аударғанда пән сөздерінің даярлығына қызықпай, ана тілімізден қарастырып сөз табуымыз керек. Сонда біздің әдебиетіміздің тілі таза болып, жоғарыда айтылған талға салтының шарты орындалған болады» [3]. Ендеше, «публицистика» деген атальнымның қазақша баламасын Ахаң секілді қазақтың өз тілінен іздеген жән. Ахмет Байтұрсыновтың осы ұғымға қатысты негізгі қолданған сөзі – «әлеумет». Осыны ескеріп, әлеуметке дегенін істету үшін ауызша немесе жазбаша түрде айтылған сөздердің мағыналық һәм мәндік жиынтығын «әлеуметнама» деп атап, мағынасын «әлеуметке айтылған сөз», «әлеумет туралы баян», «әлеуметке қатысты пікірлердің жиынтығы» деп қолданыска алсақ, түйсігімізге түйткіл салмас, керісінше түсінігімізге жақын болар. Бірақ, бұл атальным да қазіргі ұғыммызыдағы мағынасын то-

лық ашып бере алмайды. Өйткені, әлеумет белгілі бір қоғамда өмір сүреді, сол қоғамның саяси жүйесін қалыптастырады, сол жүйеге қызмет етеді. Егер тек әлеумет жайында сөйлесек, онда әлеумет өмір сүрген айнала, орта, заман назардан тыс қалып қояды. «Әлеуметнама» деген атальымның тағы бір мағыналық реңкі «жазылған, тасқа басылған шығармалар жиынтығы» деген түсініктөрілген. Онда ауызша баяндар қолданыстап сыйрт қалмақ.

Сырттан келген атальым я термин кәсіби қолданысқа енгеннен кейін ұлттық баламасыз да айналымға түседі. Ұақыт өте келе астарындағы мағына мен ұфым ұлттық санада айқындалады. Айқындалған сол ұфым, түсініктердің жиынтығы қорытылады да ұлт тіліндегі баламасы табылады. Мұндай үдеріске түспей-ақ, бірден қолданысқа ұсынылған атальымның бірі «заманхат». Бұл атауды кезінде Ахмет Байтұрсынов ұсынған. Ол кісі бұл екі сөзді «заман хат» деп бөліп жазған еді. Және оның мағынасын былай түсіндіреді: «Біреудің заманында болған тарихи уақиғадан яки өз ішінде – болған істерден дерек беруі – заманхат деп аталады. Мәдени жұрттың адамында заманында болған көзге түсерлік уақиғаларды яки өз өмірінде ұшыраған зор істерді жазып, әңгіме ретінде тіркеп отыратын әдет болады. Заман хат шежіредей емес, тәртіпті, жүйелі келеді. Шешірені хат білетін адамдар құр тіркей беруге болады. Заман хатты оқымысты адамдар жазады. Сондықтан мұнда құр халық аузында әуезе болып жүрген дәлелсіз сөздер жазылмайды. Заман хатта уақыт сарынымен жазылмайды, іс сарынымен жазылады» [4]. «Заман хат» деген тіркесті «Ақиқат» журналы тұрақты айдар ретінде әр санында ұсынады. Біздің түсінуімізше бұл айдар астында заман туралы жазылған материалдар жарияланады. «Публицистика» деген атальымның орнына қолданылғанмен, бұл сөз онын толық мағынасы мен мәнін ашып тұрган жоқ. Өйткені, бұл тек хатқа түскен қоғамдық ойларды ғана қамтиды. Ауызша айтылған заманауи сөздер бұл атаудың аясында жоқ. Соңғы кезде ел назарына ұсынылып жүрген баламаның бірі – «замансөз». Тегінде «публицистика» деген кірме сөздің ұлттық ұфымға ең жақын әрі мағыналық аясы кең баламасы осы болмақ. Мұндағы «заман» сезінің аясына адам тіршілік еткен қоғам, қоғам өмір сүрген уақыт пен кеңістік тұтас сиып кетеді. Ол бүгінгінде, кешегінде, ертенгінде қамтиды, басқаша айтсақ, «заман» ұфымы адамзат жаратылғаннан бергі тарихты, бүгінгі сан-салалы қоғамдық катынастар қазанында қайнап жатқан болмысты және сол болмыстың

ертеңге жалғасымын тұтастандырып тұрады. Ал сол заман туралы айтылған ой-пікірлердің дыбыстық-танбалық жиынтығын «сөз» деп атасақ, «публицистика» дегеннің мағыналық ауқымынан әлдекайда кең, салмақты әрі жан-жақты «замансөз» деген атау келіп шығады. Замансөз деп – занда тиым салынбаған кез келген жолмен қажетті ақпарат алып тиімді тарату арқылы қоғамдағы құрделі мәселелерді мемлекеттік, ұлттық, бұқаралық мұдде түрғысынан заман талағына қарай қозғау әрі оларды шешу жолдарын заманауи таным түрғысынан түсіндіру және сол іске жұмылдыру үшін әлеумет алдында қимыл арқылы ишаралған, немесе бейнелер арқылы көрсетілген, әйтпесе дыбыс арқылы жеткізілген, немесе ауызша айтылған, болмаса жазбаша жарияланған деректі де дәйекті сөздердің жиынтығын айтамыз. Соны қолданысқа алсақ, яғни «замансөз» деген атальымды тілдік айналымға енгізек, сол арқылы да ұлттық ұғымымыз беріліп пайымымыз батыстық санатаным (идеология) күрсауынан арыла түсер еді. Бұқаралық ақпарат құралдарындағы жарияланымдарында айтылған салмақты ойларымен сананы қозғауға үнемі белсене атсалысып жүрген кайраткер-қаламгерді ғана «публицист» деп қабылдап келген ғылыми таным енді бұл мәселеге кеңінен қарайды. Өйткені, қоғамдық сана тек жазған мақалалар арқылы ғана қозғалмайды екен. Электрондық технология дамыған мына заманда радио мен телевизияда ауызша айту арқылы да пікір туғызып, жүрт назарын мемлекеттік, бұқаралық мұддеге қарай бүруга болатынын уақыттың өзі күн сайын дәлелдеп келеді. Ендеше публицист қызметі газет-журналдармен шектелмейді.

Қоғамдық санаға: а) қимылсөз арқылы; ә) дыбыссөз арқылы; б) бейнесөз арқылы; в) шешенесөз арқылы; г) көсемсөз арқылы қозғау салуға болады. Осы бес саланың басын біріктірептің қазакы атальым керек. Ондай атальым әрине замансөз болып ғылыми айналымға да, бұқаралық қолданысқа да еніп кетті.

Егер біз «публицистика» дегенді «замансөз» деп аударып қолданып жатсақ, (тегінде «замансөз» атальымының ауқымы «публицистика» дегенге қарағанда әлдекайда кең әрі салмақты әрі терең) онда «публицист» дегенді де аударып немесе баламасөз тауып қолдануымыз керек. Бұған дейін тілдік қолданысқа еніп, санаға орнығып қалған «публицист» деген атауды да ұлт тіліне аудару, оны қолданысқа енгізу аз уақыттың шаруасы емес. Алдымен оның да өз тіліміздегі баламасын іздестірсек, аузымызға әуелі ілінгені – «сөзгер» деген балама. Бұл «зергер» деген ха-

лықтық ұғымның сиңарында болып санаға тез сіңер еді. Бұған дейін осыған мағыналас тіркесті ғалымдар Зәки Ахметов те [5], Н. Омашев та [6] «сөз зергери» деп қолданған еді. Бұған дейін «публицист» дегенді «көсемсөзші» деп келдік, бұл атау осы кәсіптің иесі екенін анғартса да, нағыз шебері екенін толық білдіре алмайды. Мысалы, «ші» жүрнағынан гөрі «гер» журнағы кез келген атауға мағыналық жағынан сапалылық үстейді. Оның үстіне сол істің майталман шебері екендігін білдіреді.

Тегінде қарымды қаламгер тек жазып қана әлеуметтік мәселе қозғап қоймайды, ол сол жазғанында көтерілген мәселені жиналған көпшілік арасында ауызша да айтып жүреді. Сондықтан да қоғамдық ойды жазбаша да, ауызша да жарайлауға машықтанып, шеберлік шыңына шыққандарға «сөзгер» деген атау лайықты.

«Сөзгер» дегеннің астарында қоғамдық салмақ бар. Сол салмақты «айтушы» деген атальм түгел көтере алмай ма деген де күдігіміз жоқ емес. Өйткені, қоғамға, әлеуметке, белгілі бір жағдайға, оқиғага, жаңалыққа қатысты пікірді кез келген ортада көзіқарақты кез келген адам да айта алады. Егер шешенсөздің бір айтыны – ақыл десек, сол ақылды жасы ұлкендердің айтпай тұра алмайтыны кем де кем. Олар да – өз дәрежесінде айтуши. Аңыз айтып берген адамды да фольклористикада «айтушы» дейді. Замансөз теориясында айтуши – ақпарат жеткізуши, негізгі ойдың төлиесі (авторы).

Бұрынғы «публицист» дегеннің орнына бұгінгі өркениеттік сананың танымына сай келетін, қоғамдық-саяси мәні бар салмақты атау болғаны жөн. Сондықтан, «сөзгер» дегенді қолданып көргенге теріс қарамайтындар қоғамдық санаға қозғау салу өнерінің ауызша түрінің кәсіби деңгейіне жеткендерді «шешенсөзгер» деп, ал жазбаша түрінің кәсіби деңгейіне жеткендерді «көсемсөзгер» деп атауға да қарсылық білдіре қоймайды. Ал, жалпы, «публицист» дегеннің баламасы ретінде «замансөзгер» деген атауды қолданысқа енгізуге қарсы болмайтындар да көп. Бәріне уақыт төреші.

Замансөз саласындағы сөзгерлер өз атына сай ой қозғауга, сөз айтуға, сөйтіп, қоғамдық сананың алдында жүргүре ұмыттылатыны сөзсіз. Бұл атаулар оларға үлкен жауапкершілік жүктейді. Бұқараның да екінің бірін «көсем» немесе «шешен», болмаса «сөзгер» демейтіні белгілі. Бұл ұсынылған атаулар жеке адамның пікірі болғанымен, ортақ игілікке немкетті қарай алмайтын қазақ балама ретінде қатар қолдана беретіні сөзсіз. «Уақыт төреші» дегенімізбен, қай сөзді кө-

бірек қолданамыз, сол сөз санаға тез сіңетіні де шындық.

Бұрыннан айтып та, жазып та келе жатқан «публицист» деген атау, (кейіннен атақ) әуелде жиналған қауымның алдында әлдене туралы үнемі хабарлаушы, құлақтандырушы, әлденеге үгіттеуші, әлденені насиҳаттаушы, жарнамалаушы адамға, маманға қатысты айтылды. Осыған саяси-әлеуметтік мән беріліп, газет-журналға жүрттың назарын аударар, санасын жаулар сөзді жалықпай жазатындарды ерекше атап, дәрежесін көтеріп, өзгелдерден мәртебесін арттыру үшін қошемет атақ мағынасында қолдануды және оны өз идеологиясында ұтымды пайдалануды күшті құралға айналдарған саяси ұйым – Кеңестер одағының коммунистік партиясы болатын. Партияның сөзін сөйлеп, ұранын асқақтатқандарды ғана «публицист» деген атау марапаттағанмен бірдей болды. Қоғамда бұл атауды саяси атақ деңгейіне көтеріп, моральдық қолдау ретінде пайдалану, солай қабылдау қалыпты жағдайға айналған. Осы ұғым мен түсінік кейін ұлттық сана қайта оянғанда ұлттық, халықтық мәселелерді батыл айтып, билік бишігінен жасқанбай жазатындарды «публицист» деген атай бастадық. Бірақ бұл да тұрлаусыз атау болып шықты. Тұрлаусыз болатыны – заман өзгерді, қоғамдық жүйе ауысты, құндылықтар алмасы, саясат бағыты басқа жаққа бұрылды, ұлттық ұғымның қанат жаюына мол мүмкіндік ашылды, қазақ тілінің мемлекеттік мәртебесі бекітіліп, ғылым тілінің қалыптасуы қарқындасты, қазақша атаулар мен атальмдардың, терминдердің қажеттілігі туды. Тәуелсіздік бұрын бір ғана мемелекеттің шенберінде, бір ғана уақыттың аясында жазатын сөзгерлерге енді бүкіл адамзаттық кеңістікте ойы жеткен жерге дейін қамтып жазу еркіндігін алып берді. Бұрын тордағы тотыдай тұралаған ақпарат азаттық алып, әлемдік ауқымға құлаш сермеді. Бұрын бір ғана формацияның шенберінің аясында ғана сөйлейтіндер енді бірнеше формацияның айдынында еркін жүзетін болды. Бір ғана уақыттың сөзін емес, бірнеше уақытты қамтыған заманалар сөзін сөйлейтін мүмкіндікке ие болды. Және ондай дарындыларды дәл сондай ауқымда қабылдай алатын, бағалай билетін деңгейге көтерілген ұрпак сахна төріне шықты. Кешегі кеңестік уақыт берген «публицист» атағын арқалап жүргендер қоғам, халық алдындағы мәртебесінен айырылып қалғандай күй кешті. Оның ол атағы бұрынғы ұғым, түсінік, құндылықтармен бірге кетті. Жаңа қоғам жаңа таным мен талғамды қажет етті. Жаңа

талғам мен таным жаңаша түсініктер мен ұғымдарды тудыра бастады. Қазір тіпті «публицист» деген атау белгілі бір жиналған ортаға ғана әсер-ықпалы жүретіндерге қарата айтылатын болды. Әртістер арасында бар «играет на публику» деген кекесін саясаткерлерге де айтыла бастады. Сөйтіп, бұрынғы «публицист» деген атақ-данқтың құны мен бағасы өзінен өзі түсे бастады. Оның үстіне «публицист» деп тек тірілерді және дәл бүгін, осы шақта, нақ осы шақта айтып, жазып жүргендерді айту қалыптаскан. Өмірден озған адамдарға қатысты айтылса, «өлген адамның алдында қандай публика?» деген сұрақ көлденендең, тілге тұсау, ойға қамау болды. Енді қазіргі талғам мен таным заманың

сөзін сөйлей алатындарға ғана көңіл аударады. Егер Ахаң ауызша айтылған замана сөз жиынтығын «шешенсөз» деп, ал жазбаша жеткізілген замана сөз жиынтығын «көсемсөз» деп белгілесе, бүгінде осы екеуін де менгерген шешен де көсем тұлғалар көптең шыға бастады. Оларды замансөзгер деп атау үрдіске айнала бастады.

Замансөзгер деп – кейде мінберден, кейде тікелей эфирден, кейде баспасөзден заман тудырған күрделі мәселелерді ұлттық-мемлекеттік мұдде тұрғысынан үнемі пәрменді әрі дәлелді көрсететін, айтатын немесе жазатын әрі оларды шешу жолдарын түсіндіретін және сол іске жұмылдыруға бастай алатын шығармашыл-күрескер адамды айтамыз.

Әдебиеттер

- 1 А.Байтұрсынов. Шығармалары. – Алматы: Жазушы, 1989, 160 б.
- 2 Сыздық Р. Қазақ тілінің анықтағышы. (Емле, тыныс белгілері, сөз сазы). – Астана: Елорда, 2000, 161б.
- 3 Ахмет Байтұрсынов. Шығармалары. – Алматы: Жазушы, 1989, 151 б.
- 4 Ахметов З. Ақын. Кітапта: әдебиеттану терминдерінің сөздігі. – Алматы: Ана тілі, 1996, 4 б.
- 6 Омарев Н. Акпарат әлемі. – А.: Қазығұрт, 2000, 86 б.

References

- 1 A.Baitursynuly. Shygarmalary. – Almaty: Zhazushy, 1989, 160 б.
- 2 R.Syzdyk. Kazakh tilinin anyktagyshy. (Emle, tynys belgileri, soz sazy). – Astana: Elorda, 2000, 161 б.
- 3 A.Baitursynuly. Shygarmalary. – Almaty: Zhazushy, 1989, 151 б.
- 4 Z.Akhmetov. Akyn. Kytapta: Adebiyettanu terminderinin sozdigi. – Almaty: Ana tili, 1996, 4 б.
- 6 N.Omashev. Akhparat alemi. – A., Kazygurt, 2000, 86 б.